

II CORINTO 10:1-18

REVIEW...

- **I CORINTO 5-7 - MGA EMBAHADOR PARA KAY JESUS...**
- **I CORINTO 8-9 - ANG REGALO PARA SA SIMBAHAN SA JERUSALEM...**
 - Ang kasimbahanan sa Gresya gusto nga mag hatag sang regalo sa ma-imol nga simbahan sang Jerusalem
 - Ang ehemplo sang tama ka imol nga simbahan sa Macedonia - naghatag sang sobra sang sa ila masarangan...
 - Si Pablo gusto nga makita ang simbahan sa Corinto nga mangin labaw gid nga maayo sa ila nga 'dulot nga paghatag'...
 - 1st - Pagpangolekta sang dulot - ginpabugal ni Pablo ang mga taga Corinto sa iban nga mga kasimbahanan...
 - Indi niya gusto nga mahuy-an sila kon indi pa sila handa...
 - Gani iya nga ginpadala si Tito sa pag kolekta sang regalo antes siya magkadto - wala nagahatag para sa kadayawan sang mga tawo...
 - 2nd - Ang dulot wala ginapilit - dapat nga ginahatag nga may kalipay sa Ginoo...
 - Apang kon mas madamo ang ila ginahatag - mas madamo ang pagpakamaayo nga ila nga ginabaton halin sa Ginoo...
 - Pareho sang binhi nga gin tanom sa latagon - nagapuhunan kita sa obra sang Ginoo kon nagahatag kita sa iban!
 - 3rd - Ang resulta sang dulot - pagpasalamat sa Dios ...
 - Naga pakamaayo ang Dios sa aton - agod nga kita mag liso kag mangin pagpakamaayo man sa iban...
 - Nagadala sang pagdayaw sa Dios - tungod ang Dios ang naga himuno sang mga kinahanglanon sang Iya mga anak!

SAYOP NGA MANUNUDLO... (5 KA BUTANG)

- **1ST - ANG PROBLEMA NGA MGA JUDAIZERS...**
 - Ang pag-atubang sa mga sayop nga mga manunudlo...
 - Si Pablo iya nga gintalupangdan ang paghinulsol sang simbahan - chapters 1-7...
 - Iya nga gin tapos ang mga detalye para sa dulot para sa Jerusalem - chapters 8-9...
 - Ginsaylo niya ang iya pagtamod sa grupo sang mga Judaizers...
 - Nasulod nila ang simbahan sang Corinto kag nag tuga sang madamo nga problema!
 - Ang Judaizer amo ang mga relihiyoso nga manunudlo nga halin sa Judah -nga nagatudlo nga magsunod sa Kasuguan...
 - Si Pablo nagapadayon nga nagapakigaway sa sini nga mga butig nga manunudlo...
 - Ang iya nga una nga pagsugata sa ila natabo sang nagbalik siya halin sa una niya nga pagpanglakbay...

- **Binuhatan 15:1** - “May mga tawo halin sa Judea nga nagkadto sa Antioch kag nagtudlo sa mga tumuluo didto nga sila nga mga indi Judio indi maluwas kon indi sila magpatuli suno sa kinabatasan nga gintudlo ni Moises.”
- Gintudlo nila sa mga Gentil nga agod makakadto sa langit - dapat nga mangin Judio sila!
- Kinanglan nila nga sundon ang 613 nga mga Kasuguan!
- Si Pablo kag Barnabas nagpakiglalalis sa sini nga mga tawo - **Binuhatan 15:7-21**
 - Ang argumento nangin mainit nga nag desisyon sila nga mag kadto sa Jerusalem sa pag husay...
 - Sang didto na - gintudlo ni Pedro nga ang mga Judio indi makatuman sang Kasuguan.
 - Ngaa nga ila pa tilawan nga magbutang sang imposible nga kabug-atan sa mga Gentil!
 - Ang Judio kag Gentil maluwas sa pareho nga paagi - sa Bugay paagi sa pagtu-o!
- Si Santiago - ang utod ni Jesus - magahatag sang ulihi nga pamatbat...
 - Ang Kasugu-an gina tudlo sa mga ciudad sang mga Gentil nga nakadangat na sang siglo - wala man sang epekto...
 - Ang punto nga ang Kasuguan wala nagatrabaho - nagpamatuod nga indi kasarang mag luwas sang tawo...
 - Gani may kasulatan nga gin sulat kag ginpadala sa tanan nga kasimbahanan - Ang kaluwasan paagi sa pagtuo lang!
 - Ang mga indi -Judio nga kasimbahanan indi kinahanglan nga magtuman sang Kasuguan ni Moises
- o Wala ini nag pauntat sang mga Judaizers...
 - Bisan diin ang Maayong Balita nalapnag - ang ini nga mga sayop nga manunudlo sigurado nga masunod...
 - Sa tion nga si Pablo nag halin sa ciudad - gilayon sila nga nagatilaw nga mag ‘kumbertir’ sang mga tumuluo.
 - **Ang mga taktika sang kaaway wala masyado nag-ilis sa mga tinion...**
 - Bisan sa subong ang mga kulto nagapangtukob sang mga batan-on sa pagtuo - sa mga wala nakahibalo sang Pulong...
 - Mormons / JWs / Iglesia ni Christo - ila ka tilawan nga kumbinsihon nga si Jesus indi Dios.
 - Tilawan nila nga mag ‘kombertir’ sang mga wala nagsuspetsa nga tumuluo - limbongan sila sa pagpati sang butig!
- **2ND - ANG MGA AKUSASYON BATOK KAY PABLO... vs. 1-2**
 - o **1ST** -Ang Judaizer naghimo sang akusasyon - nga ‘si Pablo maluya nga persona’... vs. 1
 - Ang mga sulat ni Pablo tama ka baskog - wala siya nagpugong sa pag sabdong sang simbahan...
 - Apang si Pablo daw indi amo sina ka aktibo kon makita mo siya sa personal...
 - Kon nakita mo si Pablo nagalakat sa dalan - indi mo mahibal-an nga siya isa ka Apostol!
 - Siya mapailubon kag kubos (*indi malayo sa duta*) sang ara siya sa Corinto...
 - Si Pablo ginyaguta tungod nga siya nagsunod sa ehemplo nga gin hatag ni Jesus!

- **Mateo 11:29** - “Magsunod kamo kag magpatudlo sa akon kay mabuot ako kag mapainubuson. Makapahuway kamo.”
- Sang gin pili naton nga magsunod - mangin pareho kay Jesus - sigurado nga kadlawan ka sang kalibutan...
- Ang kalibutan nagakaakig kay Jesus tungod nga iya gina pamatbatan ang kalibutan sang ila sala kag pagkamatarong...
- **Juan 15:18** - "Kon ginadumtan kamo sang mga tawo sang kalibutan, indi kamo dapat matingala tungod kay nahibaluan ninyo nga ako amo ang una nila nga ginadumtan."
- Kon mas pareho kay Jesus ang aton pang-gawi - mas layo sa pang-gawi sang kalibutan - mas madugang pa gid ang ila kaakig/kag pangyaguta sa aton...
- o **2nd** - Ang mga Judaizer naghimo sang akusasyon - nga ‘si Pablo ara lang para sa iya nga kaugalingon’... vs. 2-6
 - Sa malip-ot nga sugilanon nagapangita lang siya sang iya nga makuha sa simbahan...
 - Ila gin akusar si Pablo nga kwarta lang ang ginalagas / kabantogan / kag gahom ...
 - Apang si Pablo wala sang may nakuha sa simbahan - sa matuod, naga obra siya para mahimun-an niya ang iya kinahanglanon!
 - **I Tesalonica 2:9** - “Kay sang nagatudlo kami sa inyo sang Maayong Balita sang Dios, adlaw-gab-i kami nagtrabaho agod indi kamo mabug-atan sa pagsagod sa amon.”
 - Sa ini nga sala nga akusasyon - gin paandaman ni Pablo ang simbahan - nga may maabot nga gyera...
 - Nga kon magkadto siya indi siya mangin ‘mapainubuson’ ukon ‘kubos’ sa sini nga mga sayop nga manunudlo...
 - Mangin Maisog siya - agod nga indi mabutang sa peligro ang simbahan...
 - Kinahanglan naton nga magpili sang aton away...
 - Indi kita dapat nga gilayon nga maghatag reaksion kada may mag akusar nga indi amo batok sa aton...
 - Ang tion nga dapat nga mag tindog kita - kon ang kabuhi sang iban mabutang sa peligro...
 - Bible study sang mga pamatan-on - butig nga pagtudlo nga nagapatalang sang pang hunahuna sang mga lamharon nga tumuluo...
- **3rd** - **ANG MGA ARMAS SA PATAG-AWAYAN... VS. 3-6**
 - o Si Pablo indi magpakigaway nga may armas (*kutsilyo ukon pusil*)...
 - Si Pablo nahibalu-an niya kon sino ang kaaway niya - kag indi ini ang sayop nga manunudlo...
 - Sila ang mga ulipon nga gina kontrol sang malimbongon nga kaaway...
 - Ang matu-od nga kaaway amo ang may gahom nga espirituwal -impluwensia sang demonyo sa likod sining mga manunudlo...
 - Sa masami sa kabuhi nagakalimtan naton kon sin-o ang matuod nga kaaway - nagatan-aw kita sa tawo...
 - Sila ang mga puppet - gina sugo lang sila kon ano ila ihambal kag himuon sang dios sang sini nga kalibutan...
 - Paminsara bala ang kabuangan nga makiglalis sa puppet - wala kita sang makuha!

- Ang lyabi amo ang kadtu-on kon sino ang naga kontrolar - atakehon ang mayor nga ugat sang problema!
- o Agod nga makapakig-away kag magdaog sa away - si Pablo nagakinahanglan sang insakto nga mga armas ...
 - Ang mga armas sa aton nga pagpakigaway - gamhanan sa Dios - para magtumba sang mga pamakod.
 - Sa Romano nga pagpakigaway - ang pinaka budlay nga puntariyahon kag lutuson amo ang pamakod...
 - Ang mataas nga pader - maayo nga depensa sang Siudad - handa sa pagsagang sang atake sang kaaway ...
 - Kon mag kadto kag mag dala ka sang lipak kag bato - sigurado ang imo kapaslawan...
 - Kinahanglan mo sang pinasahi nga kasangkapan pareho sang - siege ramps - catapults - Para maguba ang pamakod!
 - Kon mag subol kita kay satanas sa aton kaugalingon nga gahom /kag kusog - malaglag kag mapaslawan kita...
 - Ang isahanon nga alagyan sa pag pierde sang aton kaaway amo ang gahom sang Dios!
 - I Juan 4:4 - “Kay ang Espiritu Santo nga ara sa inyo mas gamhanan pa sang sa kay Satanas nga nagagahom sa mga tawo sang kalibutan.”
- o Guba-on ang binutig nga pagpanudlo...
 - Gin-atubang ni Pablo ang mga sayop nga manunudlo gamit ang kamatuoran - Ang Pulong sang Dios...
 - Efeso 6:17 - “ Gamita man ninyo bilang espada ang pulong sang Dios nga ginhatag sang Espiritu Santo...”
 - Anp pinakamaayo nga paagi sa pagpauntat sa mga sayop nga pagpanudlo - para mapamatud-an nga sala ang mga sayop nga manunudlo - amo Ang Pulong...
 - Si Jesus amo ang Pulong kag ang Kamatuoran – amo ina ang paagi para mahibalan ang butig kag kamatuoran!
 - Juan 17:17 – “[Si Jesus nag hambal sa Amay] Ang imo pulong amo ang kamatuoran.”
 - Amo kon ngaa importante sa aton nga mag tu-on kita sang Bibliya - agod MAHIBALUAN naton ang KAMATUORAN!
 - II Timoteo 2:15 – “Himua ang imo masarangan agod malipay ang Dios sa imo, nga pareho sa manugpangabudlay nga wala nagakahuya sa iya mga ginahimo. Itudlo mo sang husto ang pulong sang Dios nga amo ang kamatuoran.”
 - Sa pagguba sang argumento nga nagapuggong sa mga tawo nga makilala ang Dios!
 - Si Satanas nag butang sang madamo nga argumento sa kalibutan sa pagpugong sang mga tawo nga makita si Jesus...
 - Indi maisip ang mga butig nga relihiyon - Islam / Hinduism / Buddhism...
 - Ang tanan nga nagapang-una nga unibersidad naga tudlo nga wala sang Dios - naghalin kuno kita sa amo...
 - Kada isa sa ila may ara lang nga isa ka tinutuyo - pungan ang tawo nga magkadto sa langit!
 - Ang pagkuha sang sayop nga panghunahuna - magahimo sa ila nga mangin matinumanon kay Jesus..

- Ang mga tawo may kabug-atan sa desparatis - sa mga butang nga ginapinsar nila sa ila nga panghunahuna...
- Kag nagaid sila sa ila nga kahadlok - kon mapunggan sila ni satanas sa pagbasa sang Pulong!
- Paagi sa gahom sang Pulong - maliwat naton ang paghunhuna sang mga nagtalang...
- Ma abrihan naton ang ila nga mga mata - mapakita sa ila ang pag panglimbong ni satanas sa ila!
- **4TH - INDI MAGTULOK SA TAWO... vs. 7-11**
 - o Ang problema sa simbahan sang Corinto - ang paghukom sa tawo suno sa pangguha nga dagway...
 - Ang panugda-on nga ang mga sayop nga manunudlo mga guwapo - maayo maghambal ...
 - Kon magsulod sila sa kuwarto - gilayon nga ginahatagan sang talupangod...
 - **Sa masami ang mga tawo nagapati kon ano ang gina hambal - bangod nagatulok sila sa tawo...**
 - **Indi basta nga mag baton sang pulong sang isa ka manugwali- bisan sino ang nagatudlo ...**
 - **Kon aton lang nga nahibal-an amo ang ginahambal sang manugwali – ang aton pagtuo ara lang sa ila mga tinaga ...**
 - **Apang kon pangitaon naton ang sabat sa Bibliya – ang aton pagtuo ara sa Iya Pulong!**
 - **Binuhatan 17:11 - “Kag adlaw-adlaw sige ang ila usisa sang Kasulatan agod tan-awon kon matuod gid bala ang mga ginapanghambal nila ni Pablo.”**
 - o Si Pablo nangin mabaskog sa simbahan - para maluwas ang simbahan...
 - Wala niya gin gamit ang awtoridad ilaglag ang simbahan - kundi palig-onon ini!
 - Nakita ni Pablo kon paano makapagbahinbahin ang pagpanudlo sang mga Judaizer kag nagadala peligro sa simbahan...
 - Nagabutang sa peligro nga mag-guba ang obra sang Dios nga ginhimo paagi kay Pablo!
 - **Kon ang simbahan naga-umpisa nga magsunod sa mga tawo - imbes nga kay Jesus - DAKO nga problema...**
 - **Ang pagkakilala sang simbahan isa na ka relehiyon (*Jews vs. Gentiles*) - imbes nga si Jesus!**
 - **Nagatutok kita sa aton nga mga kinalain - imbes nga mag-inupdanay nga isa ka pamilya sang Dios...**
 - **Nagatuga sang pagbahinbahin sa simbahan sang Dios - kag nagatublag sang gahom sang Maayong Balita...**
 - o Wala nagahatag si Pablo sang wala unod nga pamahog - ang iya nga mga sulat indi taktika nga mamahog...
 - Ang mga Judaizers nagasiling sa simbahan nga wala sila sang ikahadlok kay Pablo...
 - Nagapangyaguta sila nga bisan mabaskog ang mga sulat ni Pablo - indi siya maayo maghambal...
 - Maathag nga indi si Pablo labing-maayo nga manug-pulong...
 - **Kon nagahunahuna ka nga indi ka makapa-ambit sang Pulong sang Dios tungod indi ka ‘maayo mag-pamulong’...**
 - **Kaangay mo si Apostol Pablo - nga ginbudlayan gid sa pagpamulong sa publiko!**

- Apang ginpalig-on ni Pablo ang simbahan - mangin pareho siya nga persona kaangay sa iya nga mga sulat...
- **5TH - NAGA-ATAKE... VS. 12-18**
 - o 5 ka pagkumpara ang ginhayag ni Pablo tuhoy sa iya kag sa mga sayop nga mga manunudlo...
 - 1st - Abi nila maayo na gid sila... vs. 12
 - Pero wala ginsiling ni Pablo nga pareho siya ka importante sa mga Judaizers...
 - **Hulubaton 27:2** - “Indi pagdayawa ang imo kaugalingon; pabay-i nga ang iban ang magdayaw sa imo...”
 - Kon ang mga tawo nagapabugal sang ila kaugalingon - nagadayaw sa ila kaugalingon - daw waay ina pulos!
 - Kon ang Dios ang magdayaw sa imo- espesyal gid ina!
 - 2nd - Ginkumpara nila ang ila kaugalingon sa mga tawo nga pareho lang gid sa ila...
 - Ginkumpara ni Pablo ang iya kaugalingon sa kay Jesus - Ginasunod niya ang Ginoo - **I Corinto 11:1**
 - Kinahanglan naton nga mag-andam kon kay sin-o naton ginakumpara ang aton kaugalingon...
 - Kon ginaumpara naton ang aton kaugalingon sa aton nga palibot - kag nagapinsar nga ok lang kita...
 - Ang problema ang aton kalibutan nagalala kada adlaw...
 - Buot silingon nga kon ginakumpara naton ang aton kaugalingon sa ila - nagalala man kita...
 - 3rd - Gintakos nila ang ila nga mga kadalag-an gamit ang tawhanon nga talaksan...
 - Gintakos ni Pablo ang iya nga kadalag-an sa plano nga ginhatag sang Dios sa iya - **Binuhatan 9:15**
 - Ang talaksan sang kadalag-an sang kalibutan - damo kwarta / awtoridad - indi amo ang talaksan sang Dios...
 - Basi nagapinsar kita nga maayo gid ang aton pangabuhi - kag mapaslawan gali sa talaksan sang Dios
 - Basi pareho kita sa simbahan sang Laodicea - nagapinsar nga manggaranon kita - ang realidad pobre kita!
 - ***Pahayag 3:17** - “Nagasiling kamo nga manggaranon kamo, nga ginpakamaayo kamo kag wala na sing kulang sa inyo. Pero wala kamo kahibalo nga makaluluoy gid kamo, tungod kay pobre kamo sa pagtuo, bulag sa kamatuoran, kag hublas sa panulok sang Dios...”
 - 4th - Nagapabugal sila sang ila nga awtoridad - nga daw ila nga ginaobra ang obra sang Dios...
 - May awtoridad si Pablo sa simbahan sang Corinto - siya ang nagtanom sang simbahan...
 - Siya ang nauna nga naglakbay sang malayo para maka-abot sa Gresya nga nagadala sang Maayong Balita...
 - Pero wala nagtikal si Pablo sa iya nga gin-obra - sa baylo ginpabugal niya ang obra sang Ginoo!

- Isa ka paagi para makadakop kita sang sayop nga manunudlo amo ang kon kay sin-o nila ginahatag ang kadunggan...
- Kon mas ginapabida nila ang ila nga kaugalingon - kaysa kay Jesus - laban-laban nga sayop nga manunudlo!
- 5th - Gin-agaw nila ang kadayawan sang obra sang iban...
 - Wala si Pablo nang-agaw sang kadayawan nga para sa ginbuhat sang iban- si Pablo mismo ang nagbuhat sini nga obra!
 - Indi pa siya tapos - gusto niya makita nga magtubo pa gid ang simbahan!
 - Para nga ang Maayong Balita mawali pa gid sa iban nga lugar nga mas malayo pa gid...
 - Ang pinakamaayo nga paagi nga madakop ang sayop nga manunudlo amo ang lantawon ang ila bunga...
 - Ang mga sayop nga manunudlo nagatinguha nga ipalapnag ang ila nga pulong...
 - Kag sa pagtinguha nga itukod ang 'ila nga Kaharian' - ginaguba nila ang simbahan sang Dios!
 - Ang maayo nga manunudlo nagatinguha nga ipalapnag ang Pulong sang Dios...
 - Ang resulta nagatubo ang simbahan- kag ang Maayong Balita nagalab-ot sa mga nagtalang!